

Headlines

1. उपराज्यपाल मनोज सिन्हा होर जम्मू च आयोजित होने आहले गणतंत्र दिवस समारोह दे मुख् परौहने होडन।
2. मुख्मंत्री उमर अब्दुल्ला होरें ऐतिहासिक विजय मर्चेट ट्रॉफी जितने पर जेएण्डके अंडर-16 क्रिकेट टीम गी सम्मानित कीता।
3. कनून विभाग नै पैहले गे संवैधानिक प्रस्ताव जमा कराने दे निर्देश दित्ते, इनें प्रस्तावें गी उपराज्यपाल हुं'दी सिफारिश मिलना जरूरी।
4. आतंकवादिएं गी फगड़ने आस्तै कठुआ च तपाशी अभियान परतिए शुरू, 1 सुरक्षाकर्मी घाऽल।
5. जम्मू-कश्मीर च ठंडू दा प्रकोप बदेआ।

<><><><><><>

CM-e Pathshala

मुख्मंत्री उमर अब्दुल्ला होरें अज्ज जम्मू दे कन्वेंशन सेंटर च स्कूली शिक्षा विभाग दा जेके ई पाठशाला दा शुभारम्भ कीता। जे.के ई- पाठशाला डी.टी.एच चैनल 53 पर उपलब्ध रौहग जेदे कन्नै बच्चे घर च पढी सकदे न। मुख्मंत्री होरें नमी होस्टल ईमारत ते दुए विकास परियोजनाएं गी बी शुरू कराया जेडियां समग्र शिक्षा स्कीम तैहत पूरी होइयां। इस मौके बोलदे होई मुख्मंत्री होरें ई-पाठशाला गी अहम शुरूआत दस्सेआ, जेदे कन्नै जम्मू-कश्मीर दे बच्चे गी अच्छी शिक्षा थहोग। इस मौके शिक्षा मंत्री सकीना इतू ते मुख्मंत्री दे सलाहकार नासिर सोगामी होर मजूद हे।

<><><><><><>

CM-Cricket Team

मुख्मंत्री उमर अब्दुल्ला होर अज्ज जेत्तू जेएण्डके अंडर-16 क्रिकेट टीम कन्नै मिले। इस टीम नै ऐतिहासिक जित्त हासल करदे होई विजय मर्चेट ट्रॉफी खिताब अपने नांऽ कीता। मुख्मंत्री होर हर इक खडारी कन्नै मिले ते उं'दी निजी ते टीम प्रदर्शन बारै पुच्छेआ। उनें खेडुं दे अलावा उन्दे पढाई ते दुई दिलचस्पिएं बारै बी जानेआ। टीम गी जित्त पर मुबारकबाद दिंदे होई मुख्मंत्री होरें आखेआ तुं'दी जित्त सिर्फ तुं'दे हुनर गी नेई दर्शादी, सगुआं टीम वर्क, अनुशासन ते समर्पण बी दस्सदी ऐ। तुसें पूरे जम्मू-कश्मीर दा मान बदाया ऐ। इस मौके पर मुख्मंत्री होरें विजेता टीम गी Appreciation Trophy भेंट कीती।

<><><><><><>

LG-Republic Day

गणतंत्र दिवस समारोह दा मुख् कार्यक्रम जेहडा मौलाना आजाद स्टेडियम जम्मू च होग, एहदे च जम्मू-कश्मीर दे उपराज्यपाल मनोज सिन्हा होर खास परौहने दे तौर पर शामिल होडन ते परेड दी सलामी लैडन। सारे सरकारी अधिकारिएं ते कर्मचारिएं गी गणतंत्र ध्याडे दे कार्यक्रम च शामिल होने दे निर्देश दित्ते गेदे न ते ओहू इसी अपनी ड्यूटी समझन। सरकार नै विभाग अध्यक्षें ते सार्वजनिक क्षेत्र दे उपक्रमें दे मुख् कार्यकारी अधिकारी गी बी अपने कर्मचारिएं सने इस राश्ट्री तयार च शामिल होने आस्तै आखेआ गेआ ऐ। एहदे अलावा गणतंत्र ध्याडे दी बीअंग रिट्रीट सैरेमनी 29 जरवरी 2026 गी संझा साहुे 4 बजे मौलाना आजाद स्टेडियम जम्मू च आयोजित होग।

<><><><><><>

Draft Bills

इक महत्वपूर्ण पहल करदे होई कनून न्याऽ ते संसदीय मामलें सरबंधी विभाग नै सारे विभागें गी निर्देश दित्ते न जे ओहू ड्रॉफ्ट बिल ते दुए संवैधानिक प्रस्ताव जमा करोआन जिनेंगी ओहू विधानसभा च आने आहले बजट सत्र च पेश करना चाहंदे न। आकाशवाणी जम्मू संवाददाता नै जानकारी दित्ती ऐ जे विभाग नै जम्मू-कश्मीर सरकार कनून 2019 दे कम्में दे लैन'देन दे भाग-सी दा हवाला दित्ता। संवैधानिक प्रस्तावें गी उपराज्यपाल हुं'दी सिफारिश थहोना जरूरी ऐ जेडा गै जम्मू-कश्मीर पुनर्गठन कनून-2019 दी धारा 36 दे तैहत आखेआ गेआ ऐ।

<><><><><><>

JMC-Sanitation

औदें गणतंत्र दिवस दे मद्देनजर साफ-सफाई ते स्वच्छता गी बढ़ावा देने दे मकसद कन्नै घरें-मकानें ते शैही विकास मैहकमें दी आयुक्त सचिव मंदीप कौर होरें जम्मू शैहर दा स्वच्छ गणतंत्र दिवस अभियान तैह्त दौरा लाया। इस अभियान तैह्त जम्मू नगर निगम दी सारी वार्डें च साफ-सफाई आहली व्यापक मुहिम चलाई गई। अज्ज वार्ड नंबर 24, 25, 26, 33 ते 39 च मुहिम चलाई गई। इस बारै पत्रकारें गी जानकारी दिंदे होई मंदीप कौर होरें आखेआ

<><><><><><>

Billawar-Encounter

कठुआ जिले दे जंगली इलाके च सुरक्षाबले आतंकवादिणं दी धरफगड़ लेई तपाशी अभियान इक बारी परतिए शुरू कीता। इस दरान इक सुरक्षाकर्मी ममूली तौर पर जखमी बी होई गेआ। आकाशवाणी जम्मू संवाददाता दी रिपोर्ट मुजब सुरक्षाबलें दे कारइवाणं सरबंधी विशेश समूह ते होरनें सुरक्षाबलें आसेआ बिलावर दे कहोग इलाके च सांझी कार्रवाई शुरू कीती गई। एह तपाशी कार्रवाई मगरा टाकरे च तब्दील होई गई। धानू परोल कमाध नाला आहले इलाके च तपाशी कीती जा'रदी ऐ।

<><><><><><>

CASO

राजौरी जिले दी थन्नामंडी इलाके दे कोट बहरोट ते कल्लर थाह ए.ओ.जी राजौरी ते सेना आसेआ इलाके दी घेराबंदी करिए तपाशी अभियान चलाया गेआ। तपाशी अभियान दरान सुरक्षाबलें अप्पर बहरोट आहले जंगली इलाके थमां इक आई.ई.डी बरामद कीती गई। इस आई.ई.डी गी मगरा सेना आसेआ मौके पर गै नकारा बनाई दिता गेआ। इस दरान गोलीबारी दी कोई खबर नेई ऐ।

<><><><><><>

Army Bike Rally

भारती सेना आसेआ रियासी च 10में साबका फौजी दिवस समारोह दे हिस्से दे तोरा पर पीर पंचाल दे दक्खन च धुरव मोटरसाइकल रैली कड़ी गई। इस रैली दा विशेसार हा साबका फौजिएं गी उं'दी झूटी ते मुख्य दी एकता ते अखंडता गी बनाई रखने लेई नमन करना। एहदे च सेना दे वरिष्ठ अफसरें, साबका फौजिएं ते रैली दे प्रतिभागिएं हिस्सा लैता ते गल्लबात कीती। मुख्य दी सेवा, एकता अखंडता लेई सेना आसेआ दित्ते गेदे योगदान गी चेत्ता करना हा।

<><><><><><>

Weather

केंद्र शासित प्रदेश जम्मू-कश्मीर च सीत लैहर बरोबर जारी ऐ। केई सारी थाहें पर इस मौसम दा अजें तगर दा घट्टोघट्ट तापमान दर्ज कीता गेआ। आकाशवाणी जम्मू संवाददाता दी रिपोर्ट मुजब कश्मीर घाटी दे तकरीबन सारे जिलें च तापमान सिफर थमां हेठ दर्ज कीता गेआ। जम्मू खितते दे मते सारे इलाकें च तापमान बड़ा घट्ट ऐ। भद्रवाह च तापमान मनफी 3 इशारिया 4 डिग्री सैल्यिस ते राजौरी च मनफी इक डिग्री तापमान दर्ज कीता गेआ। जम्मू शैहर च तापमान 7 अशारिया 1 डिग्री दर्ज कीता गेआ। श्रीनगर च तापमान मनफी 5 अशारिया इक दर्ज कीता गेआ। मौसम विभाग दा आखना ऐ जे मते सारे इलाकें च अगले किश दिनें तगर सीत लैहर इस्सै चाल्ली जारी रौहगा। मौसम बारै होर जानकारी दिंदे होई मौसम विाग दे निदेशक मुख्तार अहमद होरें आखेआ

<><><><><><>

Art-Exhibition

कला केंद्र जम्मू नै जम्मू-कश्मीर सेंटर फॉर क्रिएटिव आर्ट्स दे सहयोग कन्नै कुल भारती कला प्रदर्शनी दा सरिस्ता कला केंद्र च मास्टर संसार चंद बारू आर्ट गैलरी च कीता। इस प्रदर्शनी दा अज्ज उद्घाटन कीता गेआ। इसदी संस्कृति विभाग दियां सचिव दीपिका शर्मा होरें बतौर परौहने शुरूआत करोआई। एह प्रदर्शनी 12 जनवरी तगर बडुलै 11 बजे थमां संझा 5 बजे तगर जारी रौहगा। एह प्रदर्शनी सुर्गवासी गोबिंद कोर हुंदे चेत्ते च आयोजित कीती गई ऐ।

<><><><><><>